

河東先生集

十三

河東先生集卷三

表 第廿六卷

奏狀 第廿九卷

祭文 第四十卷



東坡先生集卷第三十一

蘇軾


為東坡先生書

臣某言伏奉

罪亦告遐邇

陽和雷震

以運行協坤



河東先生集卷第三十八

河東先生集卷第三十八

表

裴中丞賀克東平赦表

裴中丞賀克東平赦表

頂氏書卷

為裴中丞賀克東平赦表

裴中丞賀克東平赦表

裴行立也

臣某言伏奉月日德音以淄青蕩平褒功宥

罪布告遐邇邇者元和十四年二月淄青都知

師道以降詔天下繫囚臣聞肅殺之後每致

陽和雷霆既施必聞膏澤伏惟陛下體乾剛

以運行協坤元之翕闢其靜也翕其動也闢

是以廣百靈受職六合從風天地四方阻兵

怙亂者左氏傳云州吁阻也必就梟擒懷忠抱

義者無不甄錄甄居延也激其效順特加旄

節之榮是月以悟為義寵以元功遂兼鼎鉉

之任癸丑魏博節度使田弘正亦討師道者

故有是命易曰鼎玉鉉也戎行窮賞賚之重

之名皆去傷痍受煦老疾加恩豐財已復其

征徭復其征徭謂也賜種更盈於種稔詩黍稷先

世錄堂

種後熟曰種後種先熟嚴山川之祀神必有

依申義烈之家物無不感周王推忠厚之化

詩周家忠厚漢帝慙愷悌之風太平之德斯

為至盛一作太平之業既然則虞巡可復告

成將慶於岱宗柴岱宗在兖州而兖屬淄青

復故及之漢典方行漢武帝元封元年登封

告成于天漢講禮再榮於闕里漢宣帝元和

典謂此也講禮再榮於闕里臣謬膺重寄獲

觀大和抃蹈之誠倍萬恒品謹已施行郡邑

河東卷三十八 二 廿餘堂

宣示軍戎莫不動地歡呼若醉千鍾之酒融孔

與魏武書曰堯非千鍾無以建騰天鼓舞如

聞九奏之音周禮鍾師註云王出入奏昭夏

四方賓來奏納夏臣有功奏章夏夫人祭奏

齊夏族人侍奏族夏客醉而出奏咳夏公出

入奏驚夏是為九奏萬舞無任慶賀踴躍之至

記鈞天廣樂九奏萬舞無任慶賀踴躍之至

柳州賀破東平表

臣某言即日被觀察使牒桂管觀察李師道

以月日克就臬戮者帝德廣運唐命惟新詩

雖舊邦其靈疇廓清詩終風且霾終風且曠

靈音埋又莫音翳天地貞觀易天地之道率土臣

庶慶抃無涯伏惟睿文聖武皇帝陛下威使

百神德消六沴五行傳云凡六沴之作說曰

音辰俗作沴天降寶運時歸太平自克夏擒

吳琳夏謂夏綏銀節度使楊惠翦蜀平蔡蜀謂

節度留後劉闡蔡謂殊類稽顙羣疑革心唯

此兇妖尚聞悖慢庭議既得廟謨必臧謀一

旌旗燭耀於洪河金鼓震驚於靈嶽靈嶽鄆

城自潰寧同莒魯之爭左傳昭元年莒魯爭

河東卷三十八世報堂

年十月鄆潰子厚蓋謂師道初治鄆州城塹

取順故也以求齊地悉平無俟耿陳之戰漢光

興時長安政亂張步起琅邪五年乃遣耿弇

率劉歆陳俊三將軍討之戰于臨淄步眾大

敗步乃斬蘇茂以降弇復引兵至城陽降五

屬邑五兵永戢周禮司兵掌七德無虧左傳

無一馬含生比堯舜之仁董仲舒策堯舜率

土陋成康之俗晏本更有伏惟郵既聞致理

之方靡不有初願介丘霧息已望翠華之來

介丘太山選南都賦望翠沂水風生更起舞

雩之詠

沂水屬沂州亦淄青十二州之一也論語浴乎沂風乎舞雩詠而歸千

歲之統

司馬遷自序曰今天子接千歲實在

於斯臣守在蠻荒獲承大慶抃蹈之至倍萬

恒情

代裴中丞賀分淄青為三道節度表

臣某言伏見某月日制分淄青諸州為三道

元和十四年二月命戶部侍郎楊於

節度都團練觀察等使者

陵為淄青宣撫使令分師道所管十二州為三道於陵按圖籍視土地遠近計士馬眾寡校倉庫虛實使之適均以郵曹濮為一道淄青齊登萊為一道兗海沂密為一道此三道

之所以 蚘豕之穴 左傳吳為封豕忽為樂郊

氛沴之餘盡成和氣伏惟皇帝陛下

天付昌期神開寶曆復昇平之土宇拔妖孽

之根源自西自東不違於指顧我疆我理

疆我理東咸得其區分山川備臨制之形道

途適征徭之便俾侯既定 詩俾侯于魯賜履

以寧 左傳僖四年管仲曰昔召康公命我先君太公曰五侯九伯女實征之以夾輔

周室賜我先君履東至于海西至于異青兗之

封爰從古制解曹衛之地實契雅謀 左傳僖

河東卷二十八

世錄堂

年晉文公分曹衛之地
以界宋人一作新謀地
車甲永藏馬牛勿用

俗被雍熙之化代知仁壽之期農事載盛於

耨芟儒風重興於俎豆足使季札觀魯更陳

南籥之儀左傳襄公二十九年吳季札聘魯請觀周樂見舞象南籥者曰美

哉猶有憾按註云南籥以籥舞也文王山甫

之樂此言魯地自是有禮之可觀也

徂齊復正東方之賦詩烝民王命仲山甫徂齊式

不獲陪賀闕庭云云臣揔戎遠地

為韋侍郎賀布衣竇羣除右拾遺表

河東卷三十八 五 世綵堂 刊用

新舊史皆云擢羣為左拾遺而諸本皆題云右拾遺未知孰是

據竇羣傳羣夏卿為京兆尹時

薦羣夏卿傳先為吏部侍郎後

轉京兆尹太子賓客以至於卒

恐不當作韋侍郎公時為集賢

字正

臣某伏見今月日制除布衣竇羣右拾遺者

羣字丹列京兆金城人以處士隱於毗陵蘇

州刺史韋夏卿薦之朝并表其所為書數十

篇不召貞元十六年十一月夏卿為京兆尹

復言之十八年三月召羣為左拾遺按羣傳

云陛下即位二十年始自草茅擢臣為拾遺
蓋自大曆十四年己未至貞元十四年戊寅
德宗即位臣間直道之行以直道而行之所
為二十二年臣間直道之行以直道而行之所

方嚮德逸人是舉天下歸心論語舉逸民天下之民歸心焉

臣伏以竇羣肥遯居貞易肥遯無不利又曰遯亨小利貞肥優也

包蒙養正易包蒙吉又曰蒙以養正聖功也學術精果操行

堅明讚詠道真以求其志臣頃守藩服謂在蘇州

特所委知及歸朝廷輒有聞薦庶逃竊位之

責孔子曰臧文仲其竊位者歟以塞曠官之

尤官書無曠廢也豈謂天聽曲從瞽言無廢況諫

諍之職政化是參擢於布衣久無其比周行

慶抃詩嗟我懷人寘彼林藪震驚晦迹寧慮

河東卷三十八 六 世錄堂 同甫

於遺賢懷才盡思於展效臣以性本庸疎動

無裨益唯思進拔以報恩榮區區懇誠實貫

金石言而不廢孔子曰君子不以言廢言微臣敢

竊於薦雄楊雄傳贊雄年四十四餘自蜀來京師大司馬車騎將軍王音奇其文

因召以為門下德必有鄰論語德不鄰聖代式

光於尊隗史記燕昭王欲得賢士與共國以雪

先王之恥隗曰王必欲致士先從隗始自羣

受命冀復面陳迫以疾病接於休假注心蓄

念寤寐兢惶無任喜躍屏營之至

為樊左丞讓官表

樊左丞或作韋左丞其名字年月未詳然當在京師時作附次

貞元十五年六年之文後

臣某言伏奉今月二十八日制除臣尚書左

丞寵命俯臨慙顏自失泛大鯨之海但覺覓

搖戴巨鼇之山列子渤海之東有無底之谷其中五山焉常隨潮波上下帝恐流於西極乃命禺彊使巨鼇未如思

十五舉首而戴之五山始峙而不動

重臣聞尚書百揆翊亮萬機故天上尊北斗

中樞天上作陛下有南宮左轄李固策曰陛下

猶天之有北斗也北斗為天喉舌晉昇孔坦

尚書亦為陛下喉舌左轄即左丞

諒直當時孔坦字方平咸和初為尚書左丞深為臺中之所敬憚卒贈光祿勳

諡曰漢拜楊喬閑練故事後漢楊喬相帝時

坐建明國典陛下疏曰尚書郎楊喬等文質彬

以次貶黜信任忠庶得百僚有憚於會府諸

良於帝意稍解

侯取法於京師臣實謏才禮記足切小也

謬登清貫握蘭起草漢官儀尚書郎主作文

懷香握蘭趨昔紊朝經剖竹頒條與郡守為

走於丹墀昔紊朝經剖竹頒條與郡守為

竹使符以竹箭五枚長五寸鐫刻篆書第一

至第五各分其半右留京師左以與之故云

三才小三三五

河更卷三二八

世采六二

無聞聲彩版圖再緝貢賦未均於九州謂為戶部

尚銅印更操威儀不檢於三署蔡質漢儀曰尚書郎初從

三署試初上臺稱守尚書郎中歲滿稱尚書郎三年稱侍郎又漢中郎將分掌三署郎有

議郎中郎比六百石侍郎比六百石次郎補闕豈易其

人聖主求才宜難此受竊謂旁求俊人書旁求俊

又啓迪後人側訪瓌奇瓌古必使德合準繩言

成網紀興化致理時無閒言况安上必在於

薦賢危身莫踰於曠職儻蒙垂收紫渙舊傳武都

紫泥用封璽故詔有紫泥之名今階州故武都山水皆赤為泥正紫色然泥安能作封當

下八九小三二河東卷三十八 世錄堂 善

是用為印色耳渙者取易渙汗其大號之意今本作紫綬非俯矜丹誠愚

臣保陳力之言孔子曰陳力就聖鑒有責成

之地無任覲冒惶悚之極典○覲他謹詣朝堂

奉表陳讓以聞臣所讓人別狀封進

為王戶部薦李諒狀貞元二十一年五月以王叔文

為戶部侍郎職如故表是時作

臣某言臣聞知賢必進忠臣之大方擇善而

居一作舉明主之要道况臣特受恩遇超絕古

今報國之誠寤寐深切深一作斯是敢竭愚臣之

微分助陛下之至明恢張羽儀弘輔治化一作

理臣某誠惶誠恐頓首頓首竊見新授某官

李諒清明直方柔惠端信強以有禮敏而甚

文一作敏求之後來略無其比臣自任度支等

副使貞元二十一年三月以以諒為巡官未

及薦聞至某月日荆南奏官敕下赴本道諒

實國器合在朝行臣之所知尤惜其去伏望

天恩授以諫官使備獻納冀它日公卿之任

斯焉取斯則聖朝無乏之士之名微臣緩蔽賢

三辛辛

河東卷二十八

九 甘霖堂 元

之罰漢武帝詔進賢受無任誠懇屏營之至

為戶部王叔文陳情表

叔文本傳言

喪不發置酒翰林自稱親疾病

今當請急左右竊語曰母死已

臣某言臣母劉氏今月十三日貞元二十一年六月庚戌

忽患瘖風發動瘖一作暗狀候非常今雖似退

猶甚虛憊都活切驚惶憂苦不知所圖臣唯一

身更無兄弟侍疾嘗藥難闕須臾伏乞聖恩

停臣所職今臣見在家扶侍其官吏等竝已

發遣訖臣以庸微特承顧遇拔自卑品委以

劇司夙夜兢惶唯思答效至誠至懇天睽所

知豈慮未效消塵遽迫方寸蜀先主南奔諸葛亮徐庶竝從

為曹公所追獲庶母庶辭先主而指其心曰

本欲與將軍共圖伯業者以此方寸之地也

今失老母矣以開塞重輕之務謂為度支鹽加

焦勞憂灼之懷雖欲徇公無由枉志况忠孝

同道臣子之心許國誠切於死生報親恐忘

於顧復詩顧我進退窮蹙昧死上陳候母劉

氏疾疢小瘳冀微臣駑蹇再效此一本無任

惶懼懇倒嗚咽之至

是月丁丑叔文

代裴中丞謝討黃少卿賊表

按史貞元十五年

年黃洞首領黃少卿攻邕管等

州經略使孫公器請發嶺南兵

討之德宗不許元和間曰黃承

慶曰黃少度曰黃昌沔昌瓘皆

迭起為患桂管觀察使裴行立

與容管經略使陽旻爭欲攻討

憲宗許之實元和十四年也表

是時作新史行立傳謂黃家洞

臣某云云即日奉事官米蘭迴伏奉手詔云

云者元和十四年詔桂管觀察使裴行立討黃洞蠻黃少卿臣聞膚革

既平雖疥癬而必去國語申胥諫吳王夫差曰今王非越是圖而齊

魯以為憂夫齊魯豺狼已斃在狐鼠而宜除

譬諸疾疥癬也漢書孫寶傳侯文曰豺狼已斃在狐鼠而宜除

武法天應道皇帝陛下受命上玄底寧下土

兇渠盡殄威武載揚蠢爾腥膻尚聞凌暴靈

旗斜指漢武帝為伐南越告禱太一以牡荆畫幡日月北斗登龍以象天一三星

為泰一鋒名曰靈旗為兵銅獸俯臨漢文帝禱則太史奉以指所伐國

河東卷三十八 十一 世錄堂

與郡國為銅虎符第一至第五國家當三軍

知必勝之方萬姓喜永清之路清書曰永微臣

忝司戎律親列顏行漢嚴助傳如使越人蒙死徽幸以逆執事之顏

行註云顏行猶鴈行在前躡伏波之舊規漢光武建武十八年遣伏波將軍

軍馬援擊交趾賊徵側等乘下瀨之故事漢武征南越東甌有伏波樓船下瀨橫海之號元

鼎五年遣伏波將軍路博德出桂陽下湟水

甲為下瀨將軍下蒼梧服虔曰甲故越人歸

漢者也臣瓚曰瀨也吳越謂之瀨桂陽蒼

梧皆隸嶺南所謂黃盡瘁事國詩或燕燕居期畢命於戈矛不宿於家思奮身於原野

即以今日某時出師就道便披榛蹶石摩壘

陷堅左傳宣十二年楚許伯曰吾聞致師蕩

清海隅永息邊徼吉弔切竊以材非充國敢

自贄於無踰漢神爵元年西羌犯塞時充國

邴吉問誰可將者充國志慕孟公庶追蹤於

不伐論語孟之反不伐奔而殿註魯大夫孟

也殿後謬承重委寤寐兢惶無任感恩隕越之

至

為裴中丞舉人自代伐黃賊表

河東卷三十八

十三

世錄堂

伏以某官器宇端方風姿詳雅謙虛內敏籌

略共推前佐湖南悉心匡佐後歷郡掾深負

政聲惠愛在人姦邪屏息勤勞已著幹蠱無

倫蠱事也易今黃賊尚據荒陬犬巢未覆儻

以某代某之任必能掃蕩氛祲子鳩切廓清

海濱竊惟斯人雅堪厥職云云

為崔中丞請朝覲表

代桂管觀察崔

為崔能非是據能傳元和六年

為黔中觀察使長慶四年為嶺

南節度使初不為臨桂而長慶

初則公已死矣當是崔詠無疑

元和十一年作也

臣歷刺三州

詠累遷

鄧連揔二府

舊史憲宗元和五年

八月以鄧州刺史崔詠為邕管經略使八月十年十二月復自邕管移桂管

外任逾

紀入覲無階就日望雲翬飛心注伏惟睿聖

文武皇帝陛下覆載無私邇遐同致復昇平

之故事繼前聖之高蹤中外踐更出入迭用

臣以虛薄叨受恩榮徒竭夙夜之心未申朝

夕之敬傳曰朝不廢夕發天威咫尺王左傳僖九年

齊侯昨孔子曰天子以伯舅耄老無下拜對曰天威不遠顔咫尺小白余敢貪天子之命無

河東卷三十八

世綏堂

下誠寤寐而無違雲漢昭回詩俾彼雲漢固

瞻仰而何及是以前在朗寧郎寧邕州封章累上

及移臨桂臨桂州星紀屢周門下卷有代上中書

郡十有四年頃在邕州累陳誠懇又云自領

桂管又逾再周即謂此也蓋自八年十二月

至十年是月微衷尚隔於戴盆司馬遷書云

為再周矣何天積望徒懸於窺管莊子用管窺天用錐

窺天以積望徒懸於窺管天從於茲未驗下情上達終冀不誣敢黷宸

嚴罄陳丹懇伏乞賜臣除替許至闕庭厠蹈

舞於羣僚備班行於散地足趨中禁目覩大

明俾成九族之榮以盡百生之幸非敢竊國

賓五獻之禮希康侯三接之恩易晉康侯用錫馬蕃庶晝

日三一覲龍顏萬死為足無任懇迫激切之

至也三至十一年方以裴行立代詠為桂管觀察使

代柳公綽謝上任表

公綽字起之京兆華原人史有

傳元和六年作

肅恭休命晨夜趨程祗荷寵私不遑寢食以

月日到所部上訖憲宗元和六年六月公綽自御史中丞為潭州刺史

河東卷三十八

十四世綵堂

兼御史中丞充臣聞古之制爵祿者爵以居

有德祿以養有功臣本書生貞元元年四月公綽再中賢良

方正直言官不期達值某皇帝睿聖文文明

撫運大闡玄猷搜采眾材幸忝甄錄○甄居延切察

也歷踐中外星霜屢移曾無消塵上答鴻造

忘其薄陋委以雄藩顧無綏馭之能謬忝澄

清之寄公綽先為西川節度判官召為吏部郎中踰月拜御史中丞今又兼中丞

為觀察將何以敷宣皇澤普諭天慈唯當察

慝以為防視俗而為教蠲除細故務安黎獻

庶幾清靜無擾以慰遠人臣不勝忝冒荷恩之至

代李愬襄州謝上任表

愬隴右臨洮人元和十二年

年夜入蔡州擒吳元濟十一月有詔進檢校尚書右僕射為襄州刺史山南東道節度使然襄州與嶺表遼絕而公自柳州為作謝上表恐非公之文

捧對絲綸

禮記王言如綸

慙悸無地拜命兢悚

不知所裁臣凡賤瑣材智略無取幸賴先臣

緒業

愬即西平王晟之子晟有大功於唐

累忝國恩天澤曲流

河東卷三十八

十五

世錄堂

外

遂司節制

元和十一年十二月愬自宮苑開使拜檢校左散騎常侍兼鄧州

刺史充隨唐

寄深分閫任重專征顧無將領

之才謬處衆人之上豈謂宸私軫念仁育為

心霈澤無涯德音屢降士衆感悅咸思竭忠

遂得潛師暗入賊境不意兇渠就戮此皆聖

謨豈敢叨天以為己力

左傳僖二十四年介

謂之盜況貪天之功以為己力乎

仰荷殊造重於丘山臣以

月日上訖謹當敷宣皇化普諭聖慈綏撫三

軍又安百姓冀以塵露上答鴻私臣

云云

代節使謝遷鎮表

節使不可考表謂率勵遠人此在永

州作次元和九年文後

鴻私曲臨獨越夷等祇荷明命寤寐不遑臣才非器能謬膺仕進雖竭盡駑劣力效忠勤冀寡憊尤敢望宦達某宗皇帝德宗不以臣儒術淺薄超授禮官尋遷正郎遂忝符郡某皇帝順宗不遺臣小善擢處諫曹叨承厚恩備職藩翰顧惟瑣劣多慙負恩伏遇陛下憲宗德紹唐虞無私庶政臣尸素歲久謹謫宜加豈冀

河東卷三十八

世錄堂

褒昇更遷重鎮再忝澄清之寄仍同獻替之榮將何以上答天慈下安氓庶臣當務修農稼率勵遠人鋤其奸慝以副勤恤無任云云

為劉同州謝上表

劉同州未詳德宗貞元十八年以同

州刺史劉公濟為鄜州刺史鄜坊丹延節度使豈即此人耶當在京師時作次貞元十六年文後

臣某言伏奉某月日制除臣同州刺史兼本州防禦營田長春宮使某月日到州上任訖臣初奉綸言震抃無極及臨所部驚懼逾深

投軀莫報於乾坤陳力無裨於造化臣某誠

惶誠恐頓首頓首臣出自諸生不習為吏有

恆懦之質懦○恆音庄無區處之能託跡儒門

乏仲弓南面之德論語雍字仲弓委身郎署

闕馮唐論將之對漢書馮唐以孝著為郎中

尚食監高祛數為我言趙將李齊之賢戰于

鉅鹿下吾每飲食未嘗不在鉅鹿也父老知

之乎唐曰齊尚不如廉嘗懼叨冒清列蕪穢

聖朝豈意天聽忽臨鴻恩荐及八命作牧禮

一命受職再命受服三命受位四命受器五

命賜則六命賜官七命賜國八命作牧九命

伯作一麾出守顏延之五君詠曰屢薦拔自下

位寄之雄藩非臣庸瑣所宜膺據況馮翊密

邇王都古稱三輔漢世左馮翊右扶風京兆

名爰自近代命秩逾崇有兵食之虞有宮室

之制同州防禦長春宮皆公卿將相出入由

之仰徵甲令漢書吳芮贊著于甲令而稱俯

窺圖記跼躄無地以兢以惶恩重命輕不知

所效庶當刻精運力精畢力夙夜祗勤上

奉雍熙旁流愷悌以日繫月儻或有成庶幾

之心慄慄增惕徒望雲而就日史記放勛其

如神就之如雲喜近帝鄉後漢南陽帝將擊壤

以成風共歌堯代天威咫尺敢布丹誠無任

惓懇屏營之至

代裴行立謝移鎮表行立移鎮在公

編之文誤

星言即駕詩星言便道之藩祗荷寵榮不敢

寧息臣某爰自弱齡即忝推擇階緣試吏累

忝清資先聖以臣粗知兵要俾統師徒交鑿

八河夏采三二八

世孫堂奎

倣擾黃賊不馴奉詔俾臣撲滅氛祲元和八

以蘄州刺史裴行立為安南都護安南漢交

趾郡也十二年遷桂管觀察使十四年令行

立計黃士眾賈勇左氏傳高固曰欲思酬渥

恩冀因此時得立微效豈謂時多疫癘不副

憂勤知臣特深復洗瑕責夙夜感戴捐軀有

期徒增憤勇力未從願微臣不幸釁故重重

泣血摧肝載崩載咽陛下龍興御極元和十

月庚子憲宗崩閏寰海永清道暢八埏地有

八埏八際也相如封禪書曰上威加九域鴻

私普洽靡不周泰伏蒙累垂休命遂越等夷

循省何人過膺抽擢是歲二月行立自況臣

比臨此鎮備更夷險故材舊壤宛在目前蓋

前為安南經略雖則殊鄉還同衣錦量巨鼇

今復為都護也之力未足負恩猶蚊蚋之微焉能報德將何

以宣揚聖造撫慰疲羸唯當遵守詔條貶棄

奸慝平勻徭賦示以義方持清靜以臨人守

無私以奉國重修前志再礪戈矛展駑駘之

效申鷹犬之用庶荒陬夷獠盡沐皇風率土

生靈備聞斯慶微臣之志也限以云云

河東卷三十八 十九 世綵堂 系

代韋永州謝上表公謫佐永州州刺史

人元和元年刺史韋公見賀改

元表二三年刺史馮公見修淨

土院記元和五年以前刺史崔

君敏見南池燕集序及墓後誌

又有刺史崔簡未上被罪見簡

墓誌集文等篇元和七年八月

刺史即此所謂韋永州也表云

臣某言伏奉月日制書除臣永州刺史以月

日到州上訖州一作受命若驚臨職彌懼臣以

後無其人耳表

當作於七年云

無能累更事任神州赤縣史記鄒衍中國名

神州內自有九州禹之序九州是也不得為

州數中國外如赤縣神州者九乃所謂九州

也神赤皆實所備嘗過量逾涯每深兢惕不

謂聖恩推擇濫駕朱輪漢志中二千石二千

祿秩徒增詎施乳哺之惠服命虛受寧興襦

袴之謠況此州地極三湘俗叅百越左衽居

椎髻之半孔子曰微管仲吾其被髮左衽矣

倨見賈雕即推結南越王尉佗雕結箕

即髻古字通用耳可墾乃石田之餘左傳哀

猶石田無志於齊曠牧守於再秋彌驕獷俗

又十四小字三何東卷三十八 二十 世錄堂 方

○獷古代征賦於三郡重困疲人分灾本出

於一時左傳凡侯伯救患積弊遂逾於十稔

撫安未易知法出而姦生董仲舒策曰法出

起子育誠難懼力勞而功寡夙夜憂切不敢

遑寧庶當宣布天慈奉揚神化以日繫月儻

或有成少裨愷悌之風用答生成之造無任

感恩隕越之至

謝除柳州刺史表

諸本表首云伏奉

臣使持節柳州諸軍事守柳州

刺史六月二十七日到任上訖

惟通鑑云三月乙酉除命而長曆乙酉為十四日此云十三日

字誤

早以文律參於士林德宗選於眾流擢列御

史貞元十九年陛下嗣登寶位微臣官在禮

司憲宗即位時百寮稱賀皆臣草奏臣以不

慎交友旋及禍誣聖恩弘貸謫在善地累更

大赦獲奉詔追違離十年一見宮闕親受朝

命牧人遠方漸輕不宥之辜特奉分憂之寄

銘心鏤骨無報上天謹當宣布詔條盡竭駑

河東卷三十八

王

世綵堂

六

蹇皇風不異於遐邇聖澤無間於華夷庶答

鴻私以塞餘罪 云云

柳州謝上表

貞元中代人作此表恐偽

臣某言伏奉詔書授臣柳州刺史以今月二

日至部上訖臣前歲以久停官秩去年蒙聖

恩除替便欲裂裳裹足趨赴京師 公為柳州正月巳召

至京師三月方出表謂蒙恩除替乃在去年非公作明矣以舊疾所嬰彌

年未愈逮及今夏始就歸途襄陽節度使于

頓 貞元十四年九月以與臣早歲同官見臣

頓為襄陽節度使

當暑在道懇留在館尋假職名意欲厚臣非

臣所願伏惟陛下光被之德道以洽於區中

憂濟之勤心每徧於天下常以萬邦共理必

藉於循良一物不遺尚延於愚藐莫角切假

臣寵渥重領方州駑駘復效於奔馳枯朽更

同於華秀臣聞潢汚易竭潢汚小水也左氏傳潢汚行潦之水

抑有朝宗之願書江漢朝宗于海犬馬無識猶知戀

主之誠揣分則然惟天知鑒況臣昔因左官

漢書諸侯王表武有衡山淮南之謀作左官之律漢因上古法朝廷之列以右為尊故降

河東卷三十八

二十一

世錄堂

秩為左遷仕一紀于外子牟馳於魏闕莊子諸侯為左官

公子牟曰身在江湖之上心居乎魏闕之下奈何魏闕象魏觀闕人君門也汲黯

積思於漢庭漢武帝以汲黯為淮陽太守黯曰臣今病力不能任郡事願為

中郎出入禁闈補豈非夫人獨無斯戀去就

者榮辱之主朝廷者仕進之源臣子之宜忠

貞所志臣雖心同犬馬而分比潢汚幸躡康

衢意非往蹇易往蹇來譽往蹇來反言往臣則遇難來則得譽且得位也臣

之此誠口不能諭意欲悉達文非盡言此臣

所以自咎自恨復乖志願猶冀苦心勵節上

奉詔條惠寡卹貧下除人瘼恭宣皇化少答
鴻私不勝慌欣之至○慌音荒博

代廣南節度使舉裴中丞自代表

此表

當是長慶後廣南節度使舉桂
中丞仲武自代非裴中丞也亦
他人作誤錄于此一本註節度
作鄭綱非是以桂仲武事與表
合綱為廣南乃
元和五年也

前件官器宇深沉天才間出爰從撫字逮于

察廉所職恪勤庶務皆勸日者安南夷獠反

叛害其連帥

元和十四年十月容管奏安南
賊楊清陷都護府殺都護李象

河東卷三十八 二十三 世鑑堂 同南

古及妻子官屬部曲千餘清世為蠻酋象古
召為牙將清鬱鬱不得志象古命清將兵三
千討黃洞蠻清引兵
夜還襲府城陷之
毒痛黎人書毒痛四海
痛

某皇帝以某威惠茂著自某州刺史俾之

撫臨是月憲宗以唐州刺史夙夜經行盡除

兵器賊徒識恩黨種歸義炎荒之俗靡不底

寧仲武至安南楊清距境不納清用刑慘虐
其下離心仲武遣人說其酋豪數月間降
者相繼得兵後改鎮容州長慶二年十一月

七千餘人使略勳效彌顯澄清庶類邁德前修深負能名

合遷重鎮臣自惟凡懦不逮前人伏乞天恩

迴授某非惟旌德是亦飾能庶微臣免尸祿之憂某獲無私之舉

奏薦從事表

某績茂戎軒才優管記操刀必割賈誼傳日

刀必割王褒聖主得賢臣頃曰巧冶

砥歛其呶水斷蛟龍陸刺犀革王落筆不休

傳毅字武仲為寧慙倚馬世說相宣武北征

免會草露布文喚袁倚馬前令作手不輟筆

萬言倚俄得七帑殊可觀李白與韓荆州書請日試

馬可待河東朱卷二十八 千四 世經堂 河南

美抑亦器能多適比於流輩頗為滯淹輒敢

薦陳伏希獎錄

代廣南節度使謝出鎮表鄭細傳初

郎加集賢殿大學士轉門下侍郎憲宗初勳精求理細與杜黃

裳同當國柄黃裳多所關決首

建議誅惠琳斬劉闢及它制置

網謙默多無所事由是出為

鴻霈曲臨惶駭交集捧對綸綍音不知所圖

臣聞蕭曹佐漢六合為家奭望匡周萬方同軌記曰書同臣幸以芻賤累忝殊榮天德荐

軌文車同軌

臨遂加台政不能翊宣明聖增日月之光俾

兇渠勦絕書天命○勦子小切其人用康寧實由臣

不稱職使此艱患使一作役伐檀興議詩伐檀刺

貪鄙無功而受祿負乘招譏寇至負且乘致

人之事也乘也者君子之器也小常懷覆餗

之虞鼎易鼎折足覆公餗餗音速敢望專征之寄元和

四年二月細罷為太子獻俘未遠展效有期

希此微功上答殊造無任云云

為楊湖南謝設表德宗貞元十八年九月以太常少卿

河東卷三十八 二十五 世錄堂 以善

楊憑為潭州刺史湖南觀察使 癸亥宴羣臣于馬磷山池上賦 九日賜宴詩六韻賜

之教設豈亦此時耶

臣某言中使某乙至奉宣聖旨賜臣長樂驛

設者恩榮特殊宴飲斯及顧茲厚禮猥集微

躬臣某誠懼誠慶頓首頓首臣以多幸屬此

昌時任重方隅職忝文武甘受素餐之刺詩

君子兮不素餐知無肉食之謀左傳莊十年

公將戰曹劇請見其鄉人曰肉食者鄙未能遠謀以憂

以惶寤寐無措豈謂鴻恩繼至豐膳爰來陸

海兼陳陸海即水陸也飴醴皆設名飴米蘖煎也醴酒

酒庶當奉揚聖澤覃布遠人流愷樂於皇風

均乳哺於赤子少陳微效上答殊私無任感

恩欣躍之至

為武中丞謝賜櫻桃表武元衡貞元二十年遷御

史中丞公集有諸使兼御史中丞壁記曰武公以厚德在位甚

宜其職遂命其屬書之明年二月公已遷禮部元衡亦罷為右

庶子此表當在

臣某言中使某乙至奉宣聖旨賜臣櫻桃若

河東卷三十八 二十六 世錄堂 从善

干者天睠特深時珍荐降寵驚里巷恩溢圓

方圓方謂臣某誠喜誠懼頓首頓首伏以舍

桃之羞時令攸貴禮記月令仲夏之月天况

今採因御苑分自天厨使發九霄集繁星而

積耀味調六氣承湛露而不晞詩湛湛露斯匪陽不晞晞

也盈皆而外被恩光皆疾智才適口而中

含渥澤顧慙素食詩彼君子兮彌切自公委

公委蛇自豈圖君子所先遂厭小人之腹左

昭退食二八年願以無任云云

腹為君子之心屬厭而已

謝賜時服表

此表代人在京師時也

祇荷寵私啓處無地

詩不違啓處

臣久忝朝行歷

職無効荏苒星紀偷榮歲時不能少益聖猷

以副深寄致使賊遺君父

後漢耿弇征張步帝在魯聞弇為步

所攻自往救之未至副將陳俊謂弇曰劇盜

兵盛且可閉營休士以待百

官反欲以賊虜遺君父耶艱難未息合處

嚴憲以正國章伏以陛下恢天覆之恩廣地

載之厚不循彝典俾同冕紱重劇丘山捧戴

以入閨門空知夕惕

易夕惕若厲

裁縫而為衣服

固可晝行

項羽曰富貴不歸故鄉如衣錦夜行

內省疲駑將何

答効

謝賜端午綾帛衣服表

公在柳州亦代它人作

綸言曲臨寵服荐至跪捧殊錫慶耀交并臣

謬典方州効微涓滴叨承大貺榮重丘山非

才忝恩俯伏慙荷朱明啓節

爾雅夏

御府賜

衣沐聖澤而溟海方深被仙衣而鶴龜齊壽

馳心向闕跼影望天慙分五嶺之憂

裴氏廣州記云

大庾始安臨賀桂陽揭陽是為五嶺五嶺者西自衡山之南東窮于海一山之限耳而別

標名則莫副九重之詔臣無任云云

河東先生集卷第三十八

河東卷三十八 二十八 世綵堂 才

班綵康氏 刺梓家塾

河東先生集卷第三十九

奏狀

為廣南鄭相公奏百姓產三男狀

鄭相

公鄭細也元和五年出為廣南九年細為工部尚書此狀當六

七年作

右臣所部貞節坊百姓某妻產三男者臣詳

究往例實謂休徵洪範曰休也已量事給絹三

十疋充其乳養者伏以陛下勤卹黎元感通

天地靈心昭答景福已興詩介爾景福介大也方使億

三三六河東卷三十九 世孫堂

兆繁滋區夏充物音刃故表祥於字育是啓

運於昇平事杳化源慶延邦本鱗羽之瑞曾

何足云臣幸列藩維嘗叨樞近私賀之至

為薛中丞浙東奏五色雲狀

元和三年正月

以湖南觀察薛萃為浙東觀察韓文元和十二年薛戎拜越州

刺史兼御史中丞浙東觀察使未詳孰是此狀當在柳州作然

兩地相去遼絕亦可疑云

右臣得管內台州奏

浙東管越睦衢台明處温七州

月日五

色雲見者一州官吏僧道耆老悉皆瞻覩已

具奏聞并寫圖奉進者伏以景雲上瑞景雲

也孫氏瑞應圖曰景雲者王者社符社一作禘一曰慶雲煥

彩彰之在天知聖德之昭感伏惟陛下化孚

有截詩相土烈烈海外道洽無垠承天地之

貞明易天地之道導陰陽之和氣紛紛郁郁

史記若煙非煙若雲郁自東而徂西若

煙非煙一旬而再至徵諸古謀音事罕前聞

伏乞宣付史官以昭簡冊

為裴中丞奏邕管黃家賊事宜狀裴中

丞桂管觀察使裴行立也前卷有代裴中丞謝討黃賊表

右今月四日邕管奏事官嚴訓過謂過桂州稱押

衙譚叔向等與黃家賊五千餘人謀為翻動

雖已誅斬猶未清寧當時差本道同十將某

至邕管界首賓州以來迎探事宜兼為聲援

昨得十四日狀并嚴訓狀報同其黃家賊竝

已退散各歸洞穴訖伏以鼠竊狗偷非足為

患陛下威靈遠被神化旁行遂使姦猾之謀

猾一作狡先期而自露回邪之黨不戮而盡夷伏

恐飛章已達吉語未聞尚軫天心猶煩廟筭
臣謬居方鎮忝接疆界所得事宜不敢不奏

讓監察御史狀諸公拜監察御史裏行

載名銜無裏行字後人妄削耳

右臣伏準名例律諸官與父祖諱者同不合

冒榮居之律十二篇名例律其第一也節文

之者免臣祖名察躬今臣蒙恩授前件官以

幼年逮事王父禮律之制所不敢踰臣不勝

進退惶恐之至謹詣光順門奉狀以聞伏聽

二十九三十一

河夏卷三十九

世綵堂

勅旨貞元十九年閏十月日承議郎新除監

察御史臣柳宗元奏一本無承議郎止宗元

奏又一本奉勅新除監察御史柳宗元祖名

察躬準禮二名不偏諱不合辭讓年月日檢

校司空同中書門下平章事杜佑宣

為京兆府昭應等九縣訴夏苗旱損

狀或曰貞元十九年自正月不雨至

謂關中大歉而實為政猛顧百

然按貞元二十一年二月以鴻

臚卿王權為京兆尹此狀訴夏

苗旱損而首云謬領京畿已逾兩月疑與此合耳

右臣謬領京畿已逾兩月政術無取誠懇莫
申遂使雨澤愆期田苗微損夙夜兢懼寢食
靡遑今長安一十四縣當作二縣竝准常年例
全徵竝一作皆其昭應等九縣臣各得狀竝令詳
審各絕隱欺謹具別狀封進臣當府夏稅通
計約二十九萬石已上據所損矜免祗當三
萬石有餘恤人則深減數非廣伏以聖慈弘
貸憫念蒸黎臣忝職司不敢不奏無任慙懼
之至謹錄奏聞伏聽勅旨

河東卷二十九

世綵堂 从善

為南承嗣請從軍狀故某官贈某官

南霽雲男某官承嗣一作某官故某官贈

乙按承嗣以元和元年謫承嗣序
三年量移澧州集有送承嗣序
王承宗事在四年此
狀必四年以後作

右臣亡父至德之歲死節睢陽至德二載十月

睢陽霽雲陛下每降鴻恩必加褒寵霽雲初贈

三司再贈揚臣自七歲即忝班榮承嗣七歲

駕州大都督垂五十年常居祿秩再守遐郡歷刺施績

用無成終貽官謗甘就嚴譴承嗣為涪州劉

備請永州集有送南涪州量移澧州序云始

而刀筆之吏以簿書計校盈無以負荷先志

左傳其父析薪其子報效殊私以慙以懼墮

越無地伏見某月日敕以王承宗負恩干紀

命將徂征元和四年十月制削奪成德軍節

尉吐突承璀為招討雷霆所加殄滅在近臣

竊不自揆思竭忠誠作誠一願預一卒之任以

答百生之幸庶得摧鋒觸刃摩壘塞旗冀獲

盡於微誠儻不墜於遺烈踊躍之至夙夜不

寧敢希皇明俯鑒丹懇臣聞周官攷藝國子

置車甲之司王制有發則命大漢道推恩孤

兒備羽林之用事詳註南府君睢陽廟碑及

千秋思奮於事越漢南越傳粵至武帝時獨

秋奮曰以區區粵又有王應獨相嘉仲孺期

死於奔吳史記灌夫字仲孺張孟嘗為潁陰

灌孟吳楚反灌何為將軍屬太尉請孟為校

曰願取吳王若將軍頭以報父仇夫募軍義

激君親名高竹帛臣雖無似有慕昔人雖身
塗草野死而不朽披肝瀝血昧死上陳無任
懇迫忠憤之至謹錄奏聞伏候勅旨

進農書狀 農書三卷

右伏奉某月日勅宜以二月一日為中和節
所司進農書永以為恒式者臣伏以平秩東
作虞書立制倣載南畝周雅垂文此皆奉天
時以授人盡地力而豐食而一作於自陛下惟新
令節益勵農功既立典於可傳每陳書而作
則耕鑿之利敷帝力於嘉謨稼穡之難動天
心於睿覽勤勞率下超邁古先凡在率土不
勝幸甚前件農書謹函封進謹奏

河東卷三十九

六世蘇堂

代人進瓷器狀 ○瓷器資切陶器之
緻堅者公集有元饒

州書在元和八年饒州嘗
貢瓷器此必為元作也

瓷器若干事 此一句無右件瓷器等竝藝精埏埴

埏和土也埴黏土也老子制合規模稟至德
埏埴以為器○埏式延切

之陶蒸自無苦窳 音愈病也舜河
濱器不苦窳合大和以

融結克保堅貞且無瓦釜之鳴 賈誼賦黃鐘
毀弃瓦釜雷

鳴是稱土劔之德子土劔瓦器也以盛羹韓非

又司馬遷傳堯舜飯土器慙瑚璉璉力展切瑚

之器夏曰璉音刑書礪砥砮丹璉祭宗廟

為先禮記器用陶亦當無而有用老子當其

謹遣某官某乙隨狀封進謹奏

柳州舉監察御史柳漢自代狀公元和十

年三月出為柳州六月

右伏準從前赦文元和六年十月常參官上後

上三日後舉一人自代者伏見前件官頗有才行

河東卷三十九

世綵堂

長於政術久歷嶺南使職臣之所知敢舉自

代無任懇迫之至

上戶部狀元註云左降官負外置同

關官錢充今請改授正官占關

柳州

右伏以左降官是受責之人都不釐務戶部

錢是准勅收貯不合別支又所授負外官亦

非舊制宗元在永州日見百姓庄宅公驗有

司戶李邕判給處足明皆是正官今請悉依

故事為准竝廢負外所置凡在貶黜授以正
負責其成功俾無虛授貯錢既免支用加數
足應軍須實冀貨不濫分官無曠職謹狀

柳州上本府狀

元註云莫誠救兄莫蕩以竹刺莫果右臂

經十一日身死其莫誠禁在龍城縣准律以它物毆傷十二日

辜辜內死者依殺人論本府謂桂管觀察府也

右奉牒准律文處分者已帖縣准牒待秋分

後舉處分訖

舉一作與

伏以中丞

謂裴行立

慈惠化人

孝悌成俗屬吏所見皆許申明至公之下敢

河東卷三十九

世綵堂

午

竭愚慮竊以莫誠赴急而動事出一時解難

為心豈思他物救兄有急難之戚

詩兄弟中

急難

臂非必死之瘡不幸致殂揣非本意按文固

當恭守撫事亦可哀矜斷手方迫於深哀

漢王

脩諫表譚曰兄弟左右手

也將鬪而斷其右手可乎周身不遑於遠慮

也周防律宜無赦使司明至當之心情或未安

守吏切惟輕之願

書罪疑

况俟期尚遠稟命

不遙伏乞俯賜興哀特從屈法幸全微命以

慰遠黎則必闔境荷慈育之恩豈惟一夫受

生成之賜儻以律文難變使牒已行則伏望
此狀便令廢格音閣輕肆塵黷惶戰交深謹錄
狀上奉聽處分

為裴中丞伐黃賊轉牒裴中丞行立

作

當管奉詔當管與諸管齊進諸管謂容管邕

誅討邕管草賊黃少卿漢軍馬步等若干人

各具兵馬數及軍將若干前牒奉處分竊以

天啓昌期大功畢集神開興運微惡盡除黃

河東卷三十九

九世錄堂

少卿等歷稔逋誅舉宗肆暴註見前表恃狡兔之

穴戰國策狡兔有三窟也踰伏偷安王文考

殿賊曰狡兔踰伏於附憑孽狐之丘莊子步

測○踰阻頑莊緣二切憑孽狐之丘○踰音

陵巨獸無所隱其軀而孽跳踉見怪○踰音

狐為之祥孽妖孽祥恠也跳踉見怪○踰音

良走以為威弧不射易弧矢之利天網可逃

老子天網恢恢侯曰君不起謂武

速我誅鋤敵國盡在於舟中史記吳起謂武

舟中之人還師已期於席上趙充國上屯田

皆敵國也趙充國上屯田

曰治湟陔中道橋令可至鮮水以謂宜投戈

制西域信威千里從枕席上過師

頓顙面縛乞身左傳僖五年許男面縛銜壁

面歸郡邑於王官效黎獻於天吏書黎獻黎民之賢者

又曰天吏逸而乃繕兵補卒增壘閉途正當

天討之辰有書天討更積鬼誅之罪善于幽闇

之中者鬼眾輕鬪蟻晉殷仲堪父嘗患耳聾

勇劣怒蛙韓非子云越王伐吳欲人之輕死

敬於此王曰為其有氣織縞當強弩之初

故也事亦見吳越春秋織縞當強弩之初

國傳強弩之末不孤豚債肥牛之下左傳昭

能入魯縞縞素也孤豚債肥牛之下公十三

也○牛雖瘠債于豚上債什事同拾芥力易摧

枯杪忽蜂腰虛見辱於齊斧易旅卦旅于處

傳及眾家竝作齊斧張軌云齊斧蓋黃突梯

鼠首濫欲寄於旄頭旄頭胡星也勦絕有時

書天用勦絕其不索何獲左傳吳光云上國

某行立拱稽致命吳語擁鐸拱稽註云拱持

籍執銳忘生銳被堅執也車甲既備於小戎秦詩

戮左傳宣十二年古者明王伐不敬取其鯨鯨

義之而封之以為大戮鯨鯢鯢豈逃於誅

食小國吞竊觀上略中兵下法有略總制中權一制

河東卷三十九 世禪堂

後作帥左傳宣十二年前茅慮無中權戰士義

激於身心列校勢成於臂指蹶張之技漢申屠嘉

傳申屠嘉以材官蹶張從高祖擊項羽如淳曰材官之多力能脚踏強弩張之故曰蹶張

以師古曰弩以手張之曰擊張盡出於山林拔

距之材漢甘延壽傳投石拔距絕於等倫顏師古曰弩以手張之曰擊張

能拔取之堅而徧徼於川洞南夷皆居洞賞懸

香餌懸魚重賞之下必有死夫必有今布疾雷

莫不鼓舞戎行虔恭師律易師出以投軀不

倦於羽檄有至高者註檄木簡長二尺用徼召

急則插以鳥跂足惟俟於牙璋周禮典瑞云

羽示急也故以牙璋發兵也跂舉踵也○牙璋去智切

月某日奏事官米蘭迴捧受詔命神飛首勇

足蹈心馳懼聲洽於萬夫勝氣橫於千里國

容不入司馬法曰古者國容履且及於寢門

左傳宣十四年楚使申舟聘于齊及宋宋人

殺之楚子聞之投袂而起履及於室皇劔及

於寢門闕之外室家事勿關土已填於左闔語

勾越伐兵入命夫人自今日以後內政無出

乃出夫闔左闔填之以土屏即以月日全軍出次傳

莊三年凡師一宿為舍分道竝進所期戮力

再宿為信過信為次為舍分道竝進所期戮力

敢告同心孔大夫御史大夫嶺南貞直冠時

清明格物禮記清明在躬又曰致知在全體

許國一心在公兵精食浮也浮足為日固久容

府楊中丞御史中丞容管經略以義烈為己

任勳襲太常紀太常以安南李中丞安南都護

李象以英武為家風象古嗣曹業傳彝器

竝膺邦寄克達皇威南則浮海濟師共集

堂堂之陣孫子勿擊東則橫江誓眾用成善

善之功孫子見勝不過眾人之所知非善之功

馬公此語義取孫子而句取緇衣以此鼓行坐觀盡敵刑惟

勿喜誅有可哀徵側之勇冠一方竟就伏波

之戮馬援傳交趾女子徵側及徵貳反於是

上與賊戰遂大破之援追呂嘉之威行五嶺

終摧下瀨之師漢武帝時南越王願欲內附

是命路博德為伏波將軍楊僕為樓船將軍

與其屬數百人亡入南海尋復嗟此陋微自貽

擒滅勉成良畫速致殊勳雖荒徼之地固不

河東卷三十九

世錄堂

勞於有征而昇平之年將自此而何事書之

竹帛實謂揚名事須移牒隣管以成掎角左傳

警諸捕鹿晉人舉牒者

賀誅淄青逆賊李師道狀一作賀中書門下

同次前柳州賀破東平表作

右今月三日元和十四年得知進奏官某報

前件賊以前月九日二月九日克就梟戮者

伏以天啓聖期神資良弼書夢帝賚必有懲

討以致昇平蠹爾兇渠詩蠹爾蠶荆敢行悖

河東卷三十九

三

世錄堂

李丁文

亂締交於雷霆之下○締音帝結也時憲宗

宗陰黨援乃伏盜效逆於化育之辰逞豺聲

以欺天左傳蜂目而恣狼心而犯上左傳狼

嘉謨克協威命旁行破竹寧比其發機杜預

曰今兵威已振譬如破走丸未喻於乘勝孫

如丸之濁河清濟濁河曾無溝洫之虞大峴

琅邪劉裕伐南燕慕容超公孫五樓請据大

間山水名○不聞崖岸之阻天兵四合賊眾

屢摧然後赦劫脅之辜許其歸復寬詿誤之

典漢文帝紀濟北王反註期以撫循外怛皇

威中感聖德雖在臬鏡郊祀志古者天子祠

康曰臬鳥名食母破鏡獸名食父豈不知歸

是以未極誅鋤遽聞內潰鯨鯢已戮見東海

之無波氛沴盡消音戾仰太陽之普照功格

于天地化合于陰陽一德方繼於商書書咸

德降神自同於周雅詩維嶽降神遂使垂白

遺老再逢大寶之安大寶一作天寶搢紳諸生遠期

貞觀之理某特承朝獎謬列藩臣常以突刃

河東卷三十九 世綵堂

觸鋒未為效節膏原潤草豈足酬恩寤寐撫

心不遑寧處今則削平之際慙無尺寸之功

開泰方初徒受丘山之寵無任憤激屏營之

至抃舞歡慶倍百恒情

賀平淄青後肆赦狀註見上

右伏奉二月日德音一本云二以淄青削平

慶賜大治率土之內抃躍無窮伏以周滅三

監俱明誅放之罰書武王崩三監及淮夷叛

其地為三國詩風邶鄘衛是也邶以監殷民謂

武庚鄘管叔尹之衛蔡叔尹之以監殷民謂

之三漢平七國更嚴斬殺之科景帝紀七國

夫將軍竇嬰將兵擊破之斬首十餘萬級追

斬吳王濞等已滅吏民當坐濞等及逋逃亡軍

者皆赦之楚元王子藝等與濞等為逆朕不

忍加法除其籍未有翦覆兇渠撫存疑類威

暫行而德洽誅纜及而恩加操兵者悉獲歸

休乘耒耜者更聞優復與之種食豐以貨財疾

苦盡除鰥孤咸育葬戰死之骨增以賞延憐

刃傷之肌存其廩給滌山川之舊汚申節義

之餘寬功多受三事之榮詩三事大夫莫肯

三公也元和十四年二月丁巳斬李師道壬

戌田弘正奏捷到癸酉加弘正檢校司徒同

平章事故云節著有十連之寵禮記十國以為連

以淄青都知兵馬使劉悟較然逆順益以彰

為義成軍節度使故云

明和氣遠周罷七旬之干羽書舞干羽于兩

仁風溥暢收六月之車徒詩六月棲棲寰海

永康夷夏均慶某忝司戎旅獲奉昇平當伊

尹無恥之辰書伊尹曰予弗克俾厥后為見

咎繇惟輕之德書罪疑抃躍之至倍萬恒情

無任慶賀之至

河東卷三十九 一五 世綵堂

賀分淄青諸州為三道節度狀一作

見前卷賀分淄青三道表

右某伏見某月日制分淄青諸州為三道節

度都團練觀察等使者元和十四年二月命

宣撫使并分帥道地於陵按圖籍視土地遠

近計七馬眾寡校倉庫虛實分為三道使之

通均以為一郵曹濮為一淄青齊害氣盡除和

風溥暢一作裂壤既分其形勝經野必正其

提封周禮體國經野註河濟異宜書濟州海

岱殊服惟書青州八命作牧周禮八命作伯無聞

威福之源十國為連見前已肅澄清之政鼠

無夜動左傳襄二十三年夫鼠晝伏鴉變好

音詩翻彼飛鴉集于泮林惠澤豈俟於崇朝

仁化寧期於必代孔子曰如有王遂使琅邪

即墨田生無慮其異謀漢高祖六年田肯賀

之饒南有泰山之固西有濁河聊攝姑尤晏

之限非親王子弟莫可王齊者聊攝姑尤晏

子但聞其善祝左傳昭二十年晏子曰祝有

尤以西為人也多矣雖其善祝豈能勝億兆

城姑尤齊東界也姑水尤恭以相公暮參禹

績詩云豐水東注維禹之績制出蕭規楊子蕭也隨規曹也光輔聖

神永康黎獻某獲逢開泰忝守方隅抃躍之

誠倍百恒品

為裴中丞上裴相賀破東平狀裴中丞行

立裴相度亦次表作

右伏以逆賊李師道克就梟擒已具中書門

下狀賀訖某忝居末屬行立與度同族特受深恩踊

躍不寧輒復披露竊以自古中興之主必有

命代之臣一德同功以叶休運故申甫方邵

河東采三二九

二七

世孫堂并

邵當作召謂申伯尹吉甫方叔召虎成宣王復古之勲詩車攻宣王復

也古吳鄧寇耿謂吳漢鄧禹寇恂耿致光武配

天之業此皆上下齊志中外悉心雖成功則

多而陳力甚易豈若閭下挺拔英氣邁越常

流獨契聖謨以昌鴻業廟略初定異議紛然

詆訕盈朝萋斐成市詩萋兮斐兮閭下秉心

不惑定命彌堅詩許謨討淮右之兇則下車

而授首淮右謂吳元濟服恒陽之虜則馳使而革心

恒陽謂王承宗度在淮西布衣柏耆以策說度曰元濟就擒王承宗破膽矣願得書往說

之可不煩兵而服度遣之承宗懼况師道惡

而請以二子為質及獻德棣二州

稔禍盈鬼怨神怒恣行悖慢敢肆欺誣天兵

四臨所至皆捷次又捨其將校許以歸還罪

止一夫恩加百姓豺狼感化梟鏡懷仁梟鏡注已

見上自致誅夷以成開泰萬方有慶四海無虞

遂令率土之人盡識太平之理盛德大業振

古莫儔然則布政明堂勒功東嶽光垂後祀

輝映前王神化永屬於聖君崇勲實歸於宗

袞慶賀之至倍萬恒情

為裴中丞上裴相乞討黃賊狀韓本標曰

趙本與上裴相狀合為一篇次前謝討賊表作

某材質無堪授任非次當有事之日忠懇莫

施遇成功之辰慙憤空積陳力之志誓死不

渝伏惟仁恩終賜展效今者中華寧謐異類

服從唯此南方尚餘寇孽伏以黃少卿等憑

培塿以自固自關而東小冢謂之培塿又云

合莖脆以為強莖寸卧切斬芻也脆此芮切

戈切選稟質蓬脆也劫脅使臣侵暴列郡雖狐

鼠之陋無足示威而蜂蠆之微○蠆丑猶能

害物必資翦伐方致和平庶盡駑蹇之勞以

答恩榮之重撫心踴躍夙夜不寧私布丹誠

敢期明鑒無任感激屏營之至

為桂州崔中丞上中書門下乞朝覲

狀中丞崔詠一本作上宰相狀次前請朝覲表作

右某幸遇文明叨承委寄理戎典郡十有四

年瞻戀闕庭神龜飛越頃在邕州註見前表累陳

誠懇謬尸進律之寵禮記有功德於律者加地進律未遂執

河東卷三十九 十九世綵堂

珪之願左傳朝聘有圭詩以相公膺賢輔聖

大叙彝倫書彝倫中外之臣出入更踐某自

領桂管元和八年十二月詠遷桂管又逾再周註竝前企鸞

鷺於紫霄獨無羽翼仰星辰於黃道渾天圖

赤二道禮記疏日月四徒竭丹誠丹一作精况正

月會朝遠夷皆至六歲來見要服有期書六

服一朝國語要服者貢豈使班超之望長懸

註云要服六歲一見東漢班超傳超以久在絕域年老思歸十二

年上疏曰太公封齊五世葬周孤死首丘代

馬依風夫周齊同在中土千里之間况於子

遠處絕域小臣能無首丘依風之思哉

牟之戀空積莊子魏公子牟曰身居江伏乞

特申微願錄受冗負徵故事而不遺揆夙志

而斯畢入天子之國願附禮於小侯拜丞相

之車袁盎為吳相告歸道逢敢希榮於下客

作上一無任懇禱屏營之至輕瀆威重戰汗伏

深謹狀一本止於下

為南承嗣上中書門下乞兩河效用

狀次前請從

右伏以越敗夫差多會稽納官之子越語孤子寡婦

九十五小フ八十二

河東卷三十九

二十

世綵堂

万

疾疹貧病者納官其子註趙摧栗腹即長平

死事之孤趙世家武成王十五年燕王喜使

趙壯者皆死長平其孤未壯可伐也何者義

烈之餘色氣猛厲上將效於國用下欲濟其

家聲所以憤激悽愴常思致命者也某先父

死難睢陽事見集中南事存簡冊累降優詔

榮及子孫爰自緼縠超昇品秩註見肉食廩

給未嘗暫停頃守涪州屬西蜀遘逆永貞元

劍南支度副使劉將致死命以盡夙心寢戈

關自為節度留後

嘗膽志願未究會刀筆之吏寘以深文事見集中

送南涪州序首級之差馮唐對文帝曰雲中守魏尚坐上功首虜差六級陸

下下之吏今復誰辯薏苡之謗馬援征交趾常餽薏苡欲

削其爵以為種軍還載之一車後有上書譖之者不

以為前所載還皆明珠文犀光武大怒

能自明猶賴舊勳謫居樂土時承嗣州食人力

之粟守無事之官拳拳血誠無所陳露伏見

明制興師討伐恒冀註見前狀蔑爾小醜尚欲逋

誅某材非古人志慕前烈願得身當一隊李陵

曰臣所將屯邊者皆荆楚勇效死戎行竭平

生之忠懇申幽明之冤痛撫劔心往發言涕

零嘗聞漢法有奮擊匈奴者諸侯不得擁遏

又況丞相揔軍國之重定廊廟之謀固當弘

獎無所棄捐伏乞哀憫收撫以成其心無任

懇迫惶恐之至

柳州上中書門下舉柳漢自代狀前與

舉監察御史柳漢自代表同作

右伏准元和六年十月十七日勅常叅官授

上後三日內舉一人以自代便具所舉人兼

河東卷三十九

世緣堂 李文

狀上中書門下者今奏請前件官自代謹連狀

為長安等縣耆壽詣相府乞奏復尊

號狀

註已具三十七卷請復尊號表

長安縣耆壽某乙若干人一本無右某等伏

以生長明時游泳皇澤鼓腹且知於帝力食

毛敢忘於君恩

左傳食土之臣

竊見近者祥瑞

所陳周於百郡豐稔之報均于四方有以知

上玄降靈誕告嘉應彰我君文明之化仁育

河東卷三十九

三十一

世綵堂

文

之恩大道既行鴻名未舉是以殷勤昭著如

斯而不已者也某皆陶煦純仁

○煦吁具切温也

成

此耆老生既無補死而何求唯願上聞帝閣

復建尊號用彰聖德以報皇慈披露血誠伏

守天闕糜軀碎骨猶生之年謹以今日詣光

順門輒進表訖

表一作奏

伏惟相公贊翊明主

翊贊

一作贊

共致太平而使名號尚鬱天人失望草

野愚鄙竊有惑焉伏望敷奏之際開陳其要

俾下情允達大願克從退就泉壤樂而無恨

輕黷相國伏待典刑謹狀

為京畿父老上府尹乞奏復尊號狀

此當在前
狀前作

長安縣耆老某乙等若干人一本無右某等

幸以羸老獲覩昇平蹈舞薰風謳謌壽域譬

之草木何以報天寤寐焦勞不知所措伏見

聖君臨御玄化升聞瑞應匝於萬方○匝作
答切與

同豐報窮於四海神祇注意天地傾心覺悟

生人必有為者一作必蓋以挹損徽號近二

河東卷三一九

二十三

世祿堂

為

十年興元元年
罷尊號盛德益光大名未復致遠邇

積慮幽明憤懷故自古以來嘉瑞之至未有

如今歲之盛也斯乃上玄深旨下人懇誠勤

勤相符正在於此某等眷戀明時朝夕是切

唯願早復大號以契天心庶得聖政益光鴻

化彌遠少遂踊躍之甚今請詣光順門進表

昧死上陳伏以侍郎貞元十六年十月以吏
部侍郎韋夏卿為京兆

尹道合君臣惠敷黎庶儻遂收採愚慮致貢

天庭俾草萊微誠得達萬乘非所敢望惶懼

伏深謹狀

河東先生集卷第三十九

四二六

世綵

堂

印

世綵廖氏
刻梓家塾

河東先生集卷第四十

祭文

祭楊憑詹事文

憑字虛受一字嗣女

為憑從子婿據楊氏誌父禮部

郎中疑則子厚疑婿也然楊疑

墓碣曰若宗元者以姻舊獲愛

若疑婿不應曰姻舊楊氏誌恐

誤以憑為疑此文元

和十二年柳州作

一本有使持節柳州諸軍事謹以

守柳州刺史柳某一十五字

清酌庶羞之奠昭祭于丈人之靈

史記天官書郁郁紛紛蕭索輪困是

謂慶雲慶雲即卿雲蓋五色雲也

天漢昭

回于詩倬彼雲漢昭回

稟間氣

猜也

年月子壻

清酌庶羞之奠昭祭于丈人之靈

卿雲慶雲

回于詩倬彼雲漢昭回

稟間氣

猜也

九垓

如雷世榮甲科

公之俊德有而不顧御史之選朝之所注公

勤于養投劾引去

時任方隅威刑是務公施其惠

少卿出為湖南觀察使亦莫有選

永貞元年十月遷江西

亦莫有選

也

與

同

逆

京兆之難下多怨怒或由以黜瓦石盈路貞元

二十二年二月京兆尹李實貶通州長史市里歡呼皆袖瓦礫遮道伺之實由聞道獲免

公捍其強仁及童孺元和十四年憑自左遷

而出擁道牽慕道峻多謗德優見憎煩言既

詆左傳嘖倚法斯繩史中丞李夷簡素有隙

是歲七月夷簡劾憑江西姦賊及它不法詔刑部尚書李鄴大理卿趙昌即臺參訊時憑

治第永寧里功役叢煩又幽妓妾於永寧別舍謗議頗謹故夷簡藉之痛擿發欲抵以死

既置對未得狀即逮捕故官屬推攝籍憑家資翰林學士李絳奏憑所坐賊不當同逆人

法乃止憲宗以憑治京兆有南過九疑山名績丁卯但貶賀州臨賀尉

河東卷四十一東逾秣陵秣陵江寧謂自臨顛沛

謂在永州界賀謂謫臨賀東逾秣陵賀徙杭州長史也顛沛

三載天書乃徵入傳王國自杭州入嘉聲聿

興詹事東宮自王傳徙致政是膺年唯始至

道則彌勵頡頏今古飛而上曰頡頏優游德藝

實期濬發再光文陛誰謂昊天遽茲降厲厲惡

也詩降嗚呼哀哉某以通家承德夙奉良姻此大厲

莫成子姓史記謂趙飛燕等楊氏無子故云早

喪淑人貞元十五年八月一日公恩禮斯重

眷撫惟新綢繆其志實敬實勤迨今挈然十

有八祀自貞元十五年已卯至元家缺主婦

身遷萬里謗言未明黜伏逾紀十二年德輝

間絕音塵莫俟歲首發函視遠如邇雖當沉

痼心術猶治撫膺頓首流泣瞪視○瞪文證切直視

既歛而還莫傳音旨鄉風長慟於茲已矣嗚

呼哀哉承訃之始卜兆既逾載馳斯文出拜

路隅哀從海濱視裔切禮致皇都寸誠相續終

歲不渝天道悠遠人世多虞寄心雙表表謂墓闕

長恨囚拘嗚呼哀哉

河東卷四十一 三 世祿堂 元

祭穆質給事文質河內人秘書監寧

文據傳質自給事中出為開州

卒然此文謂黜刺南荒義言盈

口又云王命南下郡符東剖留

滯湮淪殲此遐壽必是自開移

撫未及行而卒耳此文柳州作

豈質元和十二年間方自開

遷撫故耶

昭祭于給事五丈之靈自古直道鮮不顛危

禍之重輕則繫盛衰矯矯明靈克丁聖時一

生作形軀獲宥三黜無虧論語孔子曰直道而

賢良發策始振其儀天子動容敬我直辭貞元

元年九月德宗策賢良方正能直言極諫科
問以天旱質言兩漢故事三公當免卜式著
議洪羊可烹德宗載之冊府命以諫司質以
深喜之擢第三等

自畿尉擢抗姦替否與正為期奏書百上知
左補闕

無不為誰謂劉賈劉向賈誼英風莫追給事黃門

奉職樞機封還付外動獲其宜無曠爾位惟

公在斯質累遷給事中政事得失未嘗不盡

掠嚴楚人多死質奏請與州縣參決自是不

冤王承宗反用內官吐突承瓘為招討使四

年十月質與度支使李元素極言其不可明

日削承瓘四道兵馬使帝頗不悅以質為太

庶子左達道之行實惟交友患難相死其廢自

久公實毅然誓均悔咎挺身立氣不改其守

黜刺南荒元和四年七月京兆尹楊憑貶臨

賀尉質坐與憑善貶開州刺史

義言盈口封章致命志期隕首邈矣高標誰

嗣于後王命南下郡符東剖見題留滯湮淪

殲此遐壽嗚呼哀哉公之伯仲信惟先執穆

穆負穆賞皆見於感激之風道同義立中司

守直奸權是襲致之微繆音墨索也易誣以

賄入瑣瑣其徒榜訊愈急贊字相明累擢侍

號觀察使盧岳妻分財不及妾子妾訴之贊

鞠其事御史中丞盧侶欲重妾罪贊持平不

許杜倫與宰相竇參共誣贊受金捕送獄侍御史杜倫希其意鍛鍊甚急○榜音彭訊音信

詔下三司議于洛邑噫我先君邦憲是輯平

反羣枉○反孚表切漢書平反也大忤三捐左傳

襄三年三捐在危法旋加譖言俄及左官夔

國贊弟賞詣闕搥登聞鼓訟冤詔三司使柳

史鎮亦坐貶義夫掩泣邪臣既黜乃進其級

夔州司馬貞元八年竇參貶端于庶僚直聲允集虔虔

小子夙奉遺則公在郎位再罹擯抑時忝憲

司竊分枉直抗詞犯長有志無力惟韓洎劉

三十一小一八七

河東卷四十一

五世霖堂

謂監察御史韓同憤霑臆道之不行銜媿罔

極公在左掖議登秋官先定于志將發其難

決白無狀以申禍端秉心撰詞義不可干謂將

之枉公會逢友累謂其坐揚曾莫自安感于褚

中○褚展呂切絮裝衣也有涕汎瀾嗚呼哀

哉壽宮久翳狼荒萬里禮不可違誠不可弭

抽哀洩憤舒文致美願邇海風以窮洛涘清

明如在神鑒何已嗚呼格思以慰勤止

祭呂衡州温文

温字和叔一字平化光河東人温之生平公

嘗為之誅極所稱道蓋不獨見之此文也作之年月具本篇

維元和六年歲次辛卯九月癸巳朔某日友

人守永州司馬負外置同正負柳宗元謹遣

書吏同曹同曹人名家人襄兒奉清酌庶羞

之奠敬祭於呂八兄化光之靈嗚呼天乎君

子何厲厲惡也天實仇之生人何罪天實讎之

聰明正直行為君子天則必速其死道德仁

義志存生人天則必夭其身吾固知蒼蒼之

無信莊子天之蒼蒼其正色耶莫莫之無神今於化光之

三五九九八 河更卷四一 六 世綵堂 从善

歿怨逾深而毒逾甚故復呼天以云云天乎

痛哉堯舜之道至大以簡仲尼之文至幽以

默千載紛爭或失或得倬乎吾兄獨取其直

貫于化始與道咸極推而下之法度不忒旁

而肆之中和允塞道大藝備斯為全德溫從陸質

治春秋梁肅為文章而官止刺一州元和三年十月

貶溫均州刺史議者不厭再年不逾四十佐

王之志沒而不立豈非修正直以召灾修一作循

好仁義以速咎者耶宗元幼雖好學晚未聞

道泊乎獲友君子乃知適於中庸削去邪雜
顯陳直正而為道不謬兄實使然嗚呼積乎
中不必施於外裕乎古不必諧於今二事相
期從古至少至於化光最為太甚理行第一

溫在衡州
治有善狀

尚非所長文章過人略而不有素

志所蓄巍然可知貪愚皆貴險很皆老則化
光之天厄反不榮歟所慟者志不得行功不
得施蚩蚩之民不被化光之德庸庸之俗不
知化光之心斯言一出內若焚裂海內甚廣

字

人河東卷四上

七

世綵堂

圭

知音幾人自友朋凋喪志業殆絕唯望化光
伸其宏略震耀昌大興行於時使斯人徒無一

徒知我所立今復往矣吾道息矣雖其存者

志亦死矣臨江大哭萬事已矣

六年八月溫卒于衡州十

二月十四日
藁葬江陵

窮天之英貫古之識一朝去此

終復何適嗚呼化光今復何為乎止乎行乎
昧乎明乎豈蕩為太空與化無窮乎將結為
光耀以助臨照乎豈為雨為露以澤下土乎
將為雷為霆以泄怨怒乎豈為鳳為麟為景

星為卿雲以寓其神乎將為金為錫為圭為璧以栖其魄乎豈復為賢人以續其志乎將奮為神明以遂其義乎不然是昭昭者其得已乎其不得已乎抑有知乎其無知乎彼且有知其可使吾知之乎幽明茫然一慟腸絕嗚呼化光庶或聽之

祭李中丞文

中丞名字未詳作之年月具本篇

維貞元二十年歲次甲申五月某朔

一本五月甲戌

朔二十二日故吏儒林郎守侍御史王播將

三

河東卷四十

八

世綵堂

圭

仕郎守殿中侍御史穆贄

穆質誤作贄字

奉議郎行

殿中侍御史馮邈承奉郎守監察御史韓泰

泰字安平

宣德郎行監察御史范傳正

傳正字西老貞元十

年舉進士

文林郎守監察御史劉禹錫承務郎監

察御史裏行柳宗元承務郎監察御史裏行

李程等

程字表臣

謹以清酌之奠敬祭于故中丞

贈刑部侍郎李公之靈惟公堅貞守道潔廉

成德當官秉彝卓爾孤直高節外峻純誠內

植臨事不回執心無惑矯矯勁質

一本擢於作節

天枝中丞式是邦族粲其羽儀發跡內史右

史今鳳翔府參其軍事自下漢書贊賈山自廟謂割切之直詞屢至于後受邑歷撫疲人

公去逾久人滋咏呻歌咏復從京邑辟署司

錄振其綱條端我甸服畿甸也黠吏屏氣貪

官室慾易君子以赫赫有命登于王庭邦賦

以修國用是經實抗其長以奉准程准程法校

其簿書無失竒贏殘田也進為正

郎勾會是專會古外也乃刺于商出為商虎

節登山周禮山國化堵為沃堵音脊致夷

於艱道途謳歌有詔徵還丞我御史自商州

史中執其憲矩糾逖之志直清是舉慎擇寮

史必薪之楚詩翹翹錯薪言刈其楚終始

七載不忘祗勤事無觀瞻道有屈伸阜囊密

啓見上屢阜忠懇屢陳今望逾重名卿是屬

拖紳遽聞論語疾君視之卷衣已復

復招龜也禮喪大記曰復者朝服君以卷夫

弁士妻以狄大夫以玄纁世婦以檀衣士以爵

屋履危北以稅衣皆升自東榮中禮備贈贈梁

河東卷四

九世孫堂

傳隱元年乘馬曰贈一曰贈切皆助生送死

車馬曰贈貨財曰贈註符遇切皆助生送死

之禮切恩加命服窀穸窀音夕窀厚

也夕夜也左傳窀穸歲月逾蹙播等猥備官

屬況當薦延承其規模奉以周旋近或逾月

遠則累年咸承至公官守獲全故事盡在遺

風藹然俯仰庭除顧慕潺湲切潺湲音爰致誠

一觴拜訣堂筵嗚呼哀哉

為韋京兆祭杜河中文註具本篇

維年月日甲子京兆尹韋夏卿夏卿字雲客京兆萬年人

貞元十七年十月自謹以清酌之奠敬祭于

故河中節度贈禮部尚書杜公之靈貞元十五年十

二月以同州刺史杜確為自古謀帥恒在諸

儒晉登卻穀亦以詩書左傳僖二十七年晉

日卻穀可臣亟聞其言爰及近代二柄殊途

授鉞之臣率由武夫時惟明靈道冠學徒天

子有命揔其戎車何以邦之維絳及蒲即謂河中

有山有河殿此大都焜耀昌時焜音曜振

宣後學命服之盛光于列岳謂保豐福永縻

八河東卷四一

世錄堂

王爵壽如何期神不可度嗚呼哀哉大曆之

歲詔徵茂才時忝同道一作俱起草萊懷策

既陳綸言煥開考第居甲大曆二年夏卿與弟正卿及確同舉

賢良方自天昭回分命邦畿夏卿為高步武陵主簿

獲陪同志為友星霜屢迴長我十年禮宜兄

事周游歡洽莫不如志于後多幸謬列周行

戶剛切詩寘彼周行註行列也置周之列位箋謂朝廷臣也左傳襄十五年註周偏也言

編于一列位又同制書竝命文昌及余稍遷吏

部為郎公屬中兵此焉分行夏卿為吏部員外郎確為兵部

郎負外再獲聯事東西相望音出處同道樂惟

其常惟一後余出刺九載南服夏卿自給事

二州刺史公自左輔遂膺推轂自同帥河中

故云遂膺推轂也馮唐我勤魏闕作勤一爰揔

九流貞元十六年夏卿為吏誰謂河廣願言

莫由詩誰謂河廣一葦杭之不能也京烹魚之

問往復相醞文選古詩客從遠方來遺我雙

惠好斯厚惟以綢繆余弟宗卿獲芑仁字命

佐廉問宗卿為河忘其愚魯論語柴也魯假以

河夏卷四一 廿蘇堂

羽翼俾之騫翥章怒切惠文我我惠文冠也

秦時法吏冠柱後赤紱在股詩作芾小雅赤

下註云芾赤韋為之古蔽膝之象也榮映斯極從容何補承慶

惟深報恩無所嗚呼哀哉天子震悼哀我良

臣密印追贈尚書禮殷殷盛也四方興嗟況此

故人循念平昔徘徊悲辛卜葬斯及禮儀畢

陳敬薦行潦左傳潢汚行潦之洩哀茲辰嗚

呼哀哉

為韋京兆祭太常崔少卿文崔少卿

河東表四十一 廿二 廿二

傳未詳惟撫諸表系有崔隱甫

之孫既者一人為太常少卿當

維年月日甲子京兆尹韋夏卿謹以清酌庶

羞之奠敬祭于亡友故太常少卿崔公之靈

惟靈率是良志蹈其吉德左傳孝敬忠炳蔚

文彩周流學殖孔氏之訓專其傳釋黃老之

言探乎幽蹟六書奧秘周禮五曰六書六書

事三曰會意四曰假借是究是索叩爾玄關

保其真宅藝成行備披雲騁跡康莊未窮康莊

大道也爾雅五達謂之康六濛汜已極濛汜入

達謂之莊史記有康莊之衢濛汜已極濛汜入

之將死也楚詞天問出自湯谷次于濛汜已極濛汜入

云汜水涯言出東方湯谷之中暮入嗚呼哀

哉夙歲同道從容洛師謂在東都接袂交襟以遨

以嬉策駕嵩少嵩高少室二山名在河南府登封縣沂舟灑伊

書伊洛灑澗伊灑二水名在河南府登封縣

二年也左傳其樂熙熙丹青何望青雲可期

洛中十友談者榮之據夏卿傳始在東都傾

多至御相世惟鄭洎齊各登鼎司鄭餘慶齊

謂之知人世惟鄭洎齊各登鼎司映並仕至

宰或喪或存山川是違繫我夫子宜相清時

命之不遐孰不悽悲嗚呼哀哉往佐居守謂

東都及爾同寮笑遨交歡邀一作傲匪夕則朝入

同其室一作室出聯其鑣投文報章既歌且

謠及我為郎優游吏部夏卿自長安令入公

為御史持憲天路文陞徐趨眷戀相顧歡愛

之分有加于素自我于邁邁往也詩歷刺東

吳夏卿自給事中離憂十年離憂謂離別之

年凡九復會名都余為侍郎銓摠攸居夏卿自

河東卷四十一 十三 世錄堂 十一

為吏部侍郎實得茂彥奉其規模聯事合情

又倍其初我尹京兆貞元十七年十月公亞

奉常謂為太步武相望佩玉以鏘謂保愉樂

長此翱翔抱疾幾何忽焉其亡嗚呼痛哉原

念往昔愛均骨肉我有書笥盈君尺牘寤言

在耳今古何速失涕興哀匍匐往哭詩凡民

匍救撫筵一呼心焉摧剥普木日月逾邁書

月逾邁若佳城遽卜西京雜記佳城鬱鬱三

弗云來素車千里逶迤山谷○逶於危切迤晦

室居此

爾精靈藏之斧屋禮記孔子曰吾見封之若

見若斧者矣吾從若斧者焉馬鬣嗚呼哀哉

丹旌即路祖奠在庭去此昭昭就爾冥冥敬

陳洞酌詩洞酌彼行潦註云洞遠也以告

明靈臨觴永慟庶寫哀誠嗚呼哀哉伏惟尚

饗

為李京兆祭楊凝郎中文時為藍田尉作

維貞元十九年歲次癸未四月辛未朔某日

檢校工部尚書京兆尹司農卿李實貞元十五年三

實為京兆尹李謹以清酌庶羞之奠敬祭于

故兵部郎中楊公之靈楊凝字茂功弘農人

疑墓惟靈清標霜潔馨德蘭薰馨德書所謂

冲和茂著孝友彰聞濬發洪緒激揚清芬謂芬

芬思侔德祖楊脩字德祖學紹子雲瑩彼靈

府彬其英文吐論冠時舒華軼羣百氏之奧

一言可分旁貫釋老豈伊典墳謂躡公相贊

揚聖君高山安仰詩高山仰止禮記夫子歌

乎哲人其萎乎子貢曰泰山其頽則吾將安

河東卷四十一

十五

世錄堂

十一

將死逝水沄沄論語子在川上嗚呼哀哉唯

是伯仲竝為士則疑兄憑弟凌皆有名於時

士連擢首科大曆九年憑中進士第一迭居顯

職公之懿美發自朋僚播于四方今聞克昭

炯然獨識卓爾孤標翼翼其容羽儀清朝載

筆東掖動無不紀禮記史載筆士載言東掖

則左史書事不回故云動無不紀起草南宮

時論增美遷尚書司封負外郎革正封邑申

彰大梁有艱天子是使貞元十二年八月疑

部郎中為宣武軍節度判官是時宣武帥李萬榮卒其子迺擅領軍務故云大梁有艱

密勿之謀詩密勿從事唯道是復復歸郎署

一作歸職茲中兵為十八年凝起家簡稽無撓

復郎署周禮以八式經邦治二曰聽師田以簡稽遂

人云稽其人民簡其兵器簡稽士卒兵器簿書簡猶閱也稽猶計也合也合計其以考其

士之卒伍閱其兵器為之要簿也

成英風未摠沉痾遽嬰孰云積善降以促齡

昔歲江表獲同宴語嗣曹王臯為江西觀謬

為好仁不我遐阻公之元兄疑之復惠德音

優游多暇眷眇逾深音。眇情言盈耳尺素相

尋冀茲競爽左傳二焜燿儒林及此凋落祗

摧我心嗚呼哀哉遣車就引禮記遣車視牢

遣車多少各如遣奠所包牲體之數也又哀

挽先路迅風淒悲頽景幽暮傾都殄瘁詩人

亡邦國殄瘁揮涕相顧矧茲故人誰任痛慕潢污

一觴詎寫平素尚饗

為安南楊侍御祭張都護文張都護安南都

護御史中丞張舟也公嘗為之誌所載與此文皆合楊侍御未

維年月日故吏某職官某敬祭于故都護御

史中丞張公之靈交州之大南極天際禹績

無施禹績謂禹之功秦強莫制或賓或叛越自漢

世漢武帝元鼎六年聖唐宣風初鮮寧歲稍

臣卉服書島夷卉服卉為衣漸化椎髻卒為華人

流我愷悌士燮之理吳志士燮字彥威漢末

餘年疆惟公克繼勤勞遠圖敷贊嘉惠銅柱

南表前功載修墓誌見舟空道北出張騫傳云

道小國當空式遏蠻陬將侯切梯航連連旌旆

河東卷四十

世錄堂

悠悠輻湊都會湊○輻音福皇威以流方荷天

寵宜公宜侯聲馳帝鄉魄降炎州嗚呼哀哉

公昔試吏謂舟初為蘄州蘄時推清能公昔

乘輶音搖使者車謂舟以左領軍人知準繩

鰥嫠以安征賦用登柱史稍遷謂舟三郎曹

繼升謂舟檢校尚書程功佐理海裔斯澄謂

都護部郎中為安南副乃紀南方專任是憑謂

檢校太子右庶子兼安南都護兼御史禮分

五玉信書修五禮五玉五玉執躬圭子執穀璧男執蒲璧分

也賜恩錫百朋詩錫我百朋箋云古者貨貝開

府辟掾羣英攸屬顧茲陋微敢廁甄錄稽延甄

切既受筐篚載加命服賜有楚冠用慙豸角

胡廣曰左傳有南冠而縶者則楚冠也或謂

漢志云獬豸冠一曰柱後惠文冠執法者服之續

幄視險如夷瞻程非邈伯氏左宦伯氏謂侍

爰滯中途流連隱憂言念涕濡子姪莫在使

命頓殊命一作令兢覘弔影敢廢斯須情留江徼

叫音夢結天隅恩切有裕義乖從役顧慕長慟

河夏卷四十一

世系堂

展轉增惕膂力猶在從肉此宜作旅詩旅力

方剛註中腸屢激方俟銷憂永期投跡謙德

不福易鬼神害盈而福謙言法星降灾法星

庭懸邃徹禮記大夫無故不徹懸註云懸樂

去樂駟訃爰來駟音日撫躬益恨循顧增

哀瞻容莫及報德何階轎車北轅轎載柩之

以布士以葦席申奠克諧望拜徒至音塵永

乖南州斗酒後漢橋玄傳曹操祭玄墓庶寫

幽懷

祭萬年裴令文萬年令裴瑾公嘗為

年七月卒文必是時作

惟靈孝友之性實惟天與飾以儒書治其譽

處詩是以有譽處兮註云遠國之君稱揚德美使聲譽常處於天子也枵然其

量枵當作号莊子非不号然大貌廓爾其宇人

以義來我以身許褰裳赴急不避寒暑交半

域中多容鮮拒賢於博奕孔子曰不有博奕者乎為之猶賢乎

禮成文墜章克舉展樂承職音官式序事並見瑾

墓碣既聯奏復奏復謂亦圖筍簾圖畫也筍簾

者橫曰筍植曰簾播在奉常永傳儀矩脫

略細微傲忽煩言坦然自居無顧仇怨於元切文

選空負卒成官誘莫究禍源坐黜中徙再期

騰騫音軒飛貌孰云蓄憤遽此歸魂並見鳴

呼哀哉世稱姻黨鮮克終吉唯我與君久而

逾密追惟淑德嬪于君室瑾墓碣云後上順

尊卑下歡儔匹致其孝敬式是仁卹爰友童

孩處心勿失君之仲季瑾兄弟四人茂於文

術游藝相從操觚散帙○操平聲觚音孤木之方者古人用之以

書猶今顧余蹇劣厠迹奔逸二紀于今交情

若一屢聞凋缺互見遷黜契闊伶俜○契詰結切契

闊勤苦也伶音零俜音丁切行分形間質方

期末路稍追曩日時不我謀於焉斯畢營營

衛尉衛尉謹之兄弟獨守邦秩想其永哀淮海蕭索

嗚呼哀哉聞疾馳簡其命未返翩其訃書來

自番禺番禺二山名在南海今廣州與循塊為近○番禺音潘禺音魚又魚容切

守窮荒山夔與居山夔獸名如龍而一足國語木石之怪夔魁魁越人

謂之山獮人面有眉不申有志不舒况逢零

悴當此囚拘拊膺長慟長慟何如一作天菲

禮無取沉哀有餘嗚呼哀哉

祭呂敬叔文呂敬叔名恭公嘗為呂侍御恭墓誌卒以元和

八年六月年止三十有七此公所以重惜之也

維年月日朔當是友人從內兄守永州司馬

負外置同正負柳宗元謹以酒肉之奠致祭

于亡友呂敬叔之窆嗚呼鞠躬歷聘論語入

躬如也歷聘謂國或以不答屠漁乖離也楚詞

呂望之鼓刀兮遭文王而得舉註云太夫何
公暑於朝歌釣於渭濱文王舉以為師

克合大或不容小或見遺往來逢迎今古參

差惟子之中忠勇充之以誠與物退受其疵

智謀宏長辯論恢竒巖峩博大巖一作巍與世異

姿何付之器而躓於時躓知利也嘗曰余武

王功是期誓者其力詩者定爾功以達皇威

邊鄙不靖俾供輿師左傳無令輿師陷諸侯

順道戎貊咸宜墓誌見今其沒矣哀志之違知

之無補世又罕知嗚呼哀哉昔與子游尚疑

河東卷四

三

世無堂

其志及觀其長誠任其事日異其能歲增其

智進如川行浩浩而遂天乎有亡中道是棄

余慎取友惟心之虔周遊人間餘二十年擯

辱非恥升揚非賢一貫于道無四五焉子之

我知不以事遷言而見信貌阻心傳我黜終

世子天於前徒稱子志誰信我言與子俱已

孰云我先惟子之兄恭兄温志同義比論語

與官刺一州四十而死元和六年八月温卒

子仕方初百年有幾如何默默去我遄已遄

來淳公切往有穉之妻有弱之子墓誌見海壖東

周海壖謂循州東周謂洛陽言恭死其妻子

號哭萬里葬紉之行記葬引至干垢注在棺

同獲出於此爰陳酒肉式嘉且旨讀茲哀辭

以奠而誄嗚呼敬叔吾道已矣尚饗

祭崔君敏文崔君敏即朝散大夫永

之誌元和五年九月

夫產崑崙者難為玉爾雅西方之美者有崑

植鄧林者難為木列子夸父道渴而死生鄧

河東卷四

二

世錄堂

公以令望顯于華族藝邃六書六書見上祭

學該七錄梁普通中有處士阮孝緒字士宗

記參校官簿更為七錄一曰經典錄紀六藝

二曰文紀傳錄紀史傳三曰子兵錄紀子書四

紀數術六曰佛錄七曰道錄耽此黃老○

切丁酣恬於寵辱入補黑衣謂敏以千牛備身

左師觸龍言於趙太后曰老臣賤息舒祺出

參甸服邑敏更盤至三原藍田尉三紀網淮海

政令惟肅州事具墓誌書曰淮海惟揚宰制岳

濱周於仁育謂汝州龍興令儲闡典議直清

攸屬

之欲切自揚州入為太子司議

久次推

能二州繼牧

謂為歸州刺史遷永州

至于于是邦率由舊

俗和易勿亟優游自足既有少吏勤於庶獄

妖誣殄除淫祠翦覆

見事詳誌

出令三歲人無怨

讜進律未行

禮記王制有功德於民

歸神何

速某咸以罪戾

咸一頃

謫茲炎方公垂惠和枯

槁以光鳴鑿適野

鑿鈴也鳴鑿謂驅馬而鑿鳴

泛鷁公湘

鷁首船名其首畫鷁因以為稱公

廣筵命樂

華燭飛觴高歌屢舞

詩屢舞

終以無荒

詩好樂無

二册六小字八十一

河東卷四

二十三

世錄堂

荒紛慮斯併憂懷暫忘良時不再斯樂難常

今其奈何顧慕感傷嗚呼室有迭去川無息

流追懷曩辰恍若夢遊奠徹中寢

徹去也中寢路寢也

菟遷乘舟

謂遷神于舟歸葬故里

邦人永思匍匐隱憂

況我懷德心焉若抽潔誠可鑒蘋藻非羞

祭段弘古文

公嘗作段弘古墓誌載之外集云段以元和九

年卒於桂州其喪來永此文必過永時作

世病乎直人悅其和行而不容雖聖奈何提

其信義誰與同波硜硜以終

孔子曰言必信行必果硜硜然

小人哉○堅不可磨孔子曰不曰堅游得其

仁友擇其益始如可進終會于厄事見精誠

介然將貫金石追思懷舊興詞憤激君昔來

辱謂初過備聞嘉言宵會北堂晝宴南軒去

適于越謂往不日其旋載除我居望爾北轅

今者之來丹旄有翩閔茲英志限此中年嗚

呼哀哉居實斯貧有子而幼孰云履信惟天

所祐易履信思乎順又以尚賢也道途之資

敢廢于舊志君之行銘石斯授竝見公所有

三州三少州七河東卷四世霖堂方

潔其觴有楚其豆庶鑒于誠臨茲饗侑

哭張後餘詞此篇一本在祭李中明

謂既得進士明年卒當在京

後餘常山張氏孝其家忠其友為經術甚邃

而文少余七年頗弟畜之與之居終日冲然

冲和也忘其有人與之言鏗爾而厲厲嚴正

兵耕辯而歸乎中凡人有道而不顯於世則

曰非其世也一無則道而得乎世然而不顯

則曰命然然而猶命之微不可知知而索乎外

者曰性與貌後餘之性可謂良矣其貌可謂

肅矣謂一無可肅矣博實弘裕宜為大官耆老求其

所以天賤無可得焉既得進士元和二年明中進士第

年疽發髀卒陸股也後餘之死人咸痛之曰

天之祐善人而殺是子何也激者曰天之殺

恒在善人而佑不肖莊周之說以為人之君

子天之小人張君豈天所謂小人者耶是二

者又非論之適也吾謂善與惡天與壽貴與

賤異道而出者也無取喜怒於其中道之出

河東卷中

二十五

世錄堂

者多一作道之出其其合焉者固少是以君

子之難貴且壽也後餘母老而喪良子東西

行者行一無助之哭焉況其知者耶然後餘不

與諂冒者同貴不與悖亂者同壽歸潔乎身

孟子或遠或近或去或不去歸潔其身而已聞道而死論語朝聞道夕死可

矣雖勿哭焉可也嗚呼向更使一本無既聞

道而且貴且壽則其顯庸也遠矣又烏能勿

痛乎遂哭之以辭

嗟嗟張君善不必壽惟道之聞一日為老人

皆反是百稔猶幼百稔百子子之優游是亦黃

考詩內尊事黃耆者之稱嗟嗟張君寵不必貴尊嚴

為仁早服高位淫諛肆慾銀艾淪棄銀艾銀印

言雖服銀艾猶為淪棄也子之崇高無媿三事吾見皤皤

而童皤老人白貌赫赫而辱進襦袴於几杖

負泥塗於冕服已雖有餘人視不足子之跡

不混乎其間者幸也宜賀而吊宜歌而哭吾

其過乎與其寵而加貴善而加壽道施於人

慶及其母一作於母從容邦家樂我朋友豈不光

裕顯大歟而不克也則弔而哭者其無過乎

嗚呼

祭李中明文

李行敏字中明趙郡贊皇人一本此篇在哭張

後餘辭前公嘗答韋中立書云來南六七年二年冬大雪文謂

水之綿綿山萬層兮又淫以雨雪此必在永時作也

致祭于亡友中明之靈夫子之道邈以恒兮

○恒胡切夫子之志勵以兢兮求中慊末如履

冰兮躬仁以孝實烝烝兮書克諧以孝烝唯

毀死虧禮其他莫懲兮左傳襄三十一公薨立公子野為嗣九

辭謂世父孔艱兮湘水滔滔據水經馮水出臨賀下注湘水此

必元和四年五年憑謫臨賀時作

楊氏子承之既冠有成人之道其明年四月

不幸而夭其外姻左傳天子七月而葬同解

人柳宗元公娶楊疑子女而為之慟且出涕噫

是子也氣淳以愿志專以勤確然而直方吾

未知其止也作詞賦書論其言甚偉余方愛

之謂可以為器者故不知慟且出涕況其親

戚者乎凡天之生物也不類精鹿紛瘡也一

作精鹿瘡亂賢愚混同或遠而合或親而殊然則

雖人一作聖人親戚亦將有不克知其美者若楊

氏子者其親戚皆賢咸得知之者也使知之

徒以增其悲愁怨號之聲無為也用是為之

辭以相其哀焉

葆醇熙兮葆守也承貞則懿文章兮好循直誠

耿介兮又綽寬學之勤兮行彌專質圭璋兮

文虎豹超凌厲兮馳聖道力未具兮志求通

道之遠兮足先窮有母噉噉兮音。噉有弟哀

號世父孔悲兮父之兄弟先生為世父後生為叔父孔甚也世父當是揚

憑湘水滔滔去昭曠兮沉幽冥竟冥冥兮竟


難託難一作誰死者靜兮生者愁子之淑兮徒增

憂志甚良兮命甚蹙子之生兮又何欲悲吾

耳兮動吾神吾耳一身誰使子兮淑且仁嗚呼

已乎不可追終怨苦兮徒何為徒一作獨

河東先生集卷第四十



河東卷四十

二十九

世綵堂

世綵廖氏
刺梓家塾



